



# **GARIS PANDUAN PEMINDAHAN KREDIT & PENGECCUALIAN KURSUS**

**Credit Transfer & Course Exemption (CTCE)  
POLITEKNIK DAN KOLEJ KOMUNITI**

**EDISI 2020**

Pihak berkepentingan perlu merujuk kepada Kompilasi Dasar Jaminan Kualiti Pendidikan Tinggi (2009-2017) Edisi Kedua susulan penambahbaikan edisi pertama. Panduan juga perlu dibaca bersama-sama dasar-dasar baharu yang dikeluarkan Jabatan Pendidikan Tinggi (JPT), Malaysian Qualifications Agency (MQA) dan badan-badan akreditasi yang berkaitan.

## BAHAGIAN 1 : PENGENALAN

### 1.0 PENDAHULUAN

- 1.1 Pemberian pindah kredit dan pengecualian kursus merupakan satu pengiktirafan terhadap kelayakan dan pengetahuan sedia ada seseorang pelajar apabila mula mengikuti sesuatu program pengajian baharu.
- 1.2 Ia memberi peluang kepada pelajar untuk memindahkan kredit dan dikecualikan daripada mengambil sesuatu kursus apabila mengikuti sesuatu pengajian berdasarkan kepada dasar-dasar yang telah ditetapkan oleh sesebuah Pemberi Pengajian Tinggi (PPT).
- 1.3 Garis Panduan Pemindahan Kredit dan Pengecualian Kursus (*Credit Transfer and Course Exemption, CTCE*) telah mula digunapakai oleh Politeknik pada Januari 2009. Ia merupakan salah satu elemen penting yang menyumbang kepada proses jaminan kualiti sesuatu program pengajian di Politeknik.
- 1.4 Panduan pindah kredit dan pengecualian kursus (CTCE) yang dikeluarkan pada Januari 2009 adalah untuk pelajar yang sedang berada dalam sistem pengajian di Politeknik.
- 1.5 Garis Panduan Pemindahan Kredit dan Pengecualian Kursus (*Credit Transfer and Course Exemption, CTCE*) Politeknik dan Kolej Komuniti Edisi 2020 adalah semakan dan pindaan ketiga daripada panduan terdahulu selaras dengan penambahbaikan dasar pindah kredit dan pemansuhan beberapa dasar pengecualian kursus oleh:

- a. **Malaysian Qualifications Agency (MQA) berkuatkuasa mulai 19 Ogos 2016** rujukan: **JPT.S(A).2000/ 016/015/05(9)**.
- b. *Engineering Technology Accreditation Council (ETAC), Board of Engineers Malaysia (BEM)* bagi **program pengajian kejuruteraan** di Politeknik dan Kolej Komuniti, rujukan **ENGINEERING TECHNICIAN EDUCATION PROGRAMME ACCREDITATION STANDARD 2020**.
- c. *Technology And Technical Accreditation Council (TTAC), Malaysia Board of Technologists (MBOT)* bagi **program pengajian teknologi** di Politeknik dan Kolej Komuniti, rujukan **TECHNOLOGY AND TECHNICAL ACCREDITATION MANUAL 2019**.

## 2.0 NAMA DAN TARIKH BERKUATKUASA

Panduan ini dinamakan Garis Panduan Pemindahan Kredit dan Pengecualian Kursus (*Credit Transfer and Course Exemption, CTCE*) Politeknik dan Kolej Komuniti. Panduan ini **berkuatkuasa mulai sesi Jun 2020** berdasarkan kelulusan Mesyuarat Pengurusan Akademik pada 13 Jun 2019 untuk digunakan oleh semua Politeknik dan Kolej Komuniti.

## 3.0 TUJUAN

Garis panduan ini bertujuan untuk:

- 3.1 Memaklumkan prosedur berkaitan pindah kredit dan pengecualian kursus yang perlu dipatuhi oleh Politeknik dan Kolej Komuniti.
- 3.2 Mewujudkan keseragaman dalam pelaksanaan pindah kredit dan pengecualian kursus di Politeknik dan Kolej Komuniti.

## 4.0 DEFINISI

### 4.1 Pindah Kredit (*Credit Transfer, CT*)

Pindah kredit adalah proses memindahkan kredit kursus yang telah diambil oleh pelajar dalam sesuatu program ke program yang lain yang membawa kepada penganugerahan kelayakan yang ditawarkan oleh institusi yang sama atau institusi yang berbeza. Proses ini membolehkan kredit bagi kursus tersebut dikira sebagai sebahagian daripada keperluan kredit untuk bergraduat bagi program tersebut. Pada asasnya, kursus yang boleh dipindah kredit adalah kursus yang setara dengan kursus di program yang sedang diikuti.

### 4.2 Pengeccualian Kursus (*Course Exemption, CE*)

Pengeccualian kursus adalah proses mengeccualikan seseorang pelajar daripada mengambil kursus dalam program yang diikuti atas sebab-sebab tertentu. Pengeccualian ini tidak menyebabkan pelajar mendapat kredit bagi kursus yang dikeccualikan. Oleh itu, pelajar perlu menggantikan kursus yang dikeccualikan dengan kursus yang lain bagi mencukupkan keperluan kredit untuk bergraduat.

### Perbezaan antara Pindah Kredit dengan Pengecualian Kursus

Pindah Kredit	Pengecualian Kursus
<p>Proses pindah kredit membolehkan <b>kredit bagi kursus tersebut dikira sebagai sebahagian daripada keperluan kredit untuk bergraduat</b> bagi program yang sedang diikuti.</p>	<p>Pengecualian kursus <b>tidak membawa sebarang nilai kredit.</b> Pelajar perlu mengambil kursus lain bagi mencukupkan keperluan kredit untuk bergraduat.</p>

## BAHAGIAN 2 : PEMINDAHAN KREDIT

### 5.0 DASAR PINDAH KREDIT

5.1 Pindah kredit boleh dilakukan dalam dua (2) kategori seperti berikut:

a. **Mendatar (*Horizontal*)**

Pindah kredit daripada program pengajian di tahap kelayakan yang sama seperti daripada sijil ke sijil, diploma ke diploma dan ijazah sarjana muda ke ijazah sarjana muda.

b. **Menegak (*Vertical*)**

Pindah kredit daripada program pengajian peringkat rendah ke peringkat yang lebih tinggi.

5.2 Pindah kredit adalah dibenarkan bagi kes-kes berikut :

a. **Mendatar (*Horizontal*)**

Dasar pindah kredit bagi kategori mendatar (*horizontal*) bagi program pengajian yang mendapat akreditasi di bawah MQA, ETAC dan TTAC adalah seperti berikut :

i. **Pelajar sedang mengikuti program dalam sistem Politeknik/Kolej Komuniti**

- Pelajar bertukar program pengajian yang berbeza di Politeknik/Kolej Komuniti
- Pelajar yang berpindah Politeknik/Kolej Komuniti mengikuti program pengajian yang sama
- **Tiada had pindah kredit** bagi program pengajian di bawah MQA dengan mematuhi syarat-syarat umum pindah kredit.

ii. **Pelajar sedang mengikuti program di PPT lain**

- Pelajar daripada PPT lain yang menyambung pengajian di Politeknik/Kolej Komuniti pada peringkat dan program yang sama; atau
- Pelajar daripada PPT lain menyambung pengajian di Politeknik/Kolej Komuniti pada peringkat yang sama tetapi program yang berlainan
- **Pindah kredit bagi 2 situasi di atas dibenarkan dan ia tertakluk kepada tempoh bermastautin pelajar (*residential year*)**
- *Tempoh permastautin (residential year)* di PPT yang menganugerahkan kelayakan mengikut peringkat adalah seperti berikut:
  - a) Ijazah Sarjana Muda : 1 tahun
  - b) Diploma : 1 semester
  - c) Sijil : 1 semester
- Tempoh ini mengambilkira kelaziman *currency of knowledge* bagi sesuatu program adalah 5 tahun.  
(Rujukan : Kompilasi Dasar Jaminan Kualiti Pendidikan Tinggi 2009 – 2017, muka surat 94)

iii. Syarat tambahan bagi **program-program pengajian kejuruteraan yang mendapat akreditasi dari ETAC, pindah kredit maksimum 50% daripada jumlah kredit program** yang diikuti dibenarkan bagi pemindahan kredit secara mendatar. Dasar ini tertakluk kepada semua situasi pemindahan mendatar.

(Rujukan : *Engineering Technician Education Programme Accreditation Standard 2020, page G-17*)

iv. Kursus dalam kelompok U1 Matapelajaran Pengajian Umum (MPU) dibenarkan untuk dipindah kredit secara mendatar secara berkelompok. Pelaksanaan dasar pindah kredit adalah berkuatkuasa bagi semua pelajar yang masih dalam sesi pengajian.

(Rujukan : Mesyuarat Kajian Semula Dasar – Dasar Berkaitan Jaminan Kualiti (MKSDJK) KPM-MQA Bil 3/2019 bertarikh 10 Disember 2019)

b. **Menegak (*Vertical*)**

Dasar pindah kredit bagi kategori menegak (*vertical*) program pengajian yang mendapat akreditasi di bawah MQA, ETAC dan TTAC adalah seperti berikut :

i. **Pemindahan Kredit daripada Sijil ke Diploma**

Pelajar lulusan sijil PPT lain yang menyambung pengajian ke peringkat Diploma Politeknik/Kolej Komuniti. Had maksimum jumlah pindah kredit yang dibenarkan adalah 30% daripada jumlah kredit program yang diikuti di Politeknik/Kolej Komuniti yang berkuatkuasa pada 23 Mei 2016. (Rujukan : Kompilasi Dasar Jaminan Kualiti Pendidikan Tinggi 2009 – 2017, muka surat 92)

ii. **Pemindahan Kredit daripada Diploma ke Sarjana Muda**

Pelajar lepasan Diploma Politeknik/Kolej Komuniti/IPT lain yang menyambung pengajian ke peringkat Ijazah Sarjana Muda Politeknik. Pindah kredit dibenarkan sehingga maksimum 30% (lebih kurang satu tahun pengajian) daripada jumlah kredit program yang akan diikuti di Politeknik. (Rujukan : Kompilasi Dasar Jaminan Kualiti Pendidikan Tinggi 2009 – 2017, muka surat 93)

iii. **Pemindahan Kredit daripada Diploma Lanjutan (*Advanced Diploma*) ke Sarjana Muda**

Pelajar yang berkeelayakan Diploma Lanjutan yang turut memiliki Diploma boleh dipertimbangkan pindah kredit sehingga maksimum dua (2) tahun pengajian program peringkat Ijazah Sarjana Muda. Oleh itu, pelajar akan mengikuti tahun ketiga program Ijazah Sarjana Muda. (Rujukan : Kompilasi Dasar Jaminan Kualiti Pendidikan Tinggi 2009 – 2017, muka surat 93)

5.3 Pindah kredit tidak dibenarkan bagi kes-kes berikut :

a. **Mendatar (*Horizontal*)**

**Pelajar yang diberhentikan** daripada pengajian **atas sebab kegagalan akademik** dan kemudiannya menyambung semula pengajian dalam program yang lain. (Rujukan : Kompilasi Dasar Jaminan Kualiti Pendidikan Tinggi 2009 – 2017, muka surat 94)

b. **Menegak (*Vertical*)**

i. Daripada kelayakan yang lebih tinggi ke program di peringkat yang lebih rendah

ii. **Kursus MPW/MPU tidak dibenarkan untuk pindah kredit.**  
(Rujukan : Kompilasi Dasar Jaminan Kualiti Pendidikan Tinggi 2009 – 2017, muka surat 94)

iii. **Kursus Latihan Industri**

- 5.4 Bagi kes Perkara 5.2, pelajar tertakluk kepada syarat umum pindah kredit dalam Perkara 6.0 dan syarat tempoh pemastautin pelajar. Tempoh pemastautin bermaksud pelajar perlu mengikuti pengajian di Politeknik/Kolej Komuniti selama sekurang-kurangnya satu semester bagi program peringkat Sijil atau Diploma dan satu (1) tahun bagi program peringkat Ijazah Sarjana Muda.

## 6.0 SYARAT UMUM PINDAH KREDIT

- 6.1 Pindah kredit hendaklah berasaskan kepada pemetaan kandungan antara kursus-kursus yang berkenaan.
- 6.2 Bagi kes-kes di perkara 5.2 syarat-syarat umum yang berikut perlulah dipatuhi:
- a. **Gred lulus minimum** kursus terlibat yang boleh dipindah kredit ialah **C**;
  - b. **Kesetaraan** antara kandungan kursus **mestilah tidak kurang** daripada **80%**;
  - c. **Nilai kredit kursus :**  
**MQA / ETAC / TTAC :** Nilai kredit kursus bagi program terdahulu mestilah **sama atau lebih daripada nilai kredit kursus** bagi program yang diikuti di PPT penerima; dan
  - d. **Kursus yang dimohon untuk dipindahkan kredit** mestilah daripada program pengajian yang **telah mendapat Perakuan Akreditasi** daripada **MQA**.

## 7.0 KAEDAH PELAKSANAAN PEMINDAHAN KREDIT

- 7.1 Pelaksanaan pemindahan kredit adalah berdasarkan permohonan pelajar dan kelulusan Jawatankuasa Pemindahan Kredit dan Pengecualian Kursus di peringkat Politeknik/Kolej Komuniti.
- 7.2 Bagi kes-kes 5.2a, segala keputusan peperiksaan yang diperolehi daripada pengajian terdahulu adalah dikekalkan. Keputusan kursus yang berkenaan diguna pakai dalam pengiraan Purata Nilai Mata (PNM) dan Himpunan Purata Nilai Mata (HPNM).
- 7.3 Bagi kes-kes 5.2b, kaedah berikut perlu dipatuhi:
- a. Keutamaan pindah kredit diberikan kepada kursus daripada tahap rendah terlebih dahulu
  - b. Nilai kredit bagi kursus yang diberi pemindahan kredit diambil kira bagi memenuhi keperluan jumlah kredit untuk bergraduasi.
- 7.4 **Pindah Kredit Dengan Gred**
- Pindah kredit secara mendatar (*horizontal*) bagi pelajar yang masih dalam pengajian, kredit diambilkira dalam kredit bergraduasi pelajar dan gred kursus diambilkira dalam pengiraan Purata Nilai Mata (PNM) dan Himpunan Purata Nilai Mata (HPNM).

### **Contoh :**

Pelajar yang sedang mengikuti Diploma A bertukar ke Diploma B pada semester kedua. Maka proses pindah kredit pelajar tersebut akan mengambil kira gred kursus dari Diploma A dalam pengiraan PNM dan HPNM pelajar di Diploma B.

### 7.5 **Pindah Kredit Tanpa Gred (Pengeccualian Kredit)**

Pindah kredit secara menegak (*vertical*) atau mendatar (*horizontal*) bagi pelajar yang telah tamat pengajian) atau telah mencapai tahap kompetensi dalam kursus berkenaan, kredit kursus yang dipindahkan diambilkira dalam kredit bergraduasi tetapi gred kursus tidak diambil kira dalam pengiraan PNM dan HPNM pelajar.

#### **Contoh 1:**

Pelajar lepasan sijil menyambung pengajian ke peringkat diploma dan membuat pindah kredit bagi kursus-kursus yang bersesuaian. Maka kredit bagi kursus yang pernah diikuti di peringkat sijil akan diambil kira dalam pengiraan kredit bergraduasi pelajar. Namun, gred kursus tidak akan diambil kira dalam pengiraan PNM dan HPNM pelajar.

#### **Contoh 2:**

Pelajar yang telah tamat program Diploma A dan kemudian ingin mengikuti program Diploma B. Bagi situasi ini yang mana pelajar telah memiliki kelayakan di peringkat yang sama, maka pindah kredit tidak akan mengambil kira gred kursus dalam pengiraan PNM dan HPNM pelajar di Diploma B. Hanya kredit yang akan diambil kira dalam pengiraan PNM dan HPNM pelajar.

#### **Contoh 3:**

Pindah kredit berdasarkan pengalaman melalui APEL Credit (C) tidak melibatkan gred. Oleh yang demikian, hanya kredit yang akan diambil kira.

7.6 Jika seorang pelajar berhenti daripada pengajian atas sebab-sebab tertentu seperti masalah kewangan atau kesihatan (bukan atas sebab kegagalan akademik) dan ingin menyambung pengajian dalam program yang lain di peringkat yang sama, pindahan kredit bagi situasi ini boleh dipertimbangkan dengan tertakluk kepada syarat pindah kredit. Lazimnya, pengetahuan semasa (*current knowledge*) bagi sesuatu program adalah lima tahun.

Dalam hal ini, terdapat dua keadaan berbeza seperti berikut:

- a. PPT yang sama: Sekiranya pelajar ingin menyambung pengajiannya di PPT yang sama, tiada had pindah kredit dan tertakluk kepada syarat pemindahan kredit.
- b. PPT yang berbeza: Sekiranya pelajar tersebut menyambung pengajian daripada PPT lain, maka pemindahan kredit adalah tertakluk kepada syarat pemastautin pelajar (***residential year***) seperti berikut:
  - i. Ijazah Sarjana Muda - satu tahun
  - ii. Diploma - satu semester
  - iii. Sijil - satu semester

## BAHAGIAN 3 : PENGECEUALIAN KURSUS

### 8.0 DASAR PENGECEUALIAN KURSUS

Berdasarkan Kompilasi Dasar Jaminan Kualiti Pendidikan Tinggi 2009– 2017, muka surat 99-100, berikut ialah ketetapan berkenaan dengan pengecualian kursus:

- 8.1 Pengecualian kursus perlu dilakukan berdasarkan kepada kesetaraan kandungan kursus yang dimohon dengan pembuktian pengetahuan dan kemahiran pelajar.
- 8.2 Pengecualian kursus **TIDAK** akan menyebabkan pelajar mendapat kredit bagi kursus yang dikecualikan.
- 8.3 Pelajar perlu mengambil kursus lain bagi menggantikan kursus berkenaan sekiranya pengecualian kursus tersebut menyebabkan keperluan jumlah kredit untuk bergraduasi tidak mencukupi.
- 8.4 Penambahan kursus ke dalam sesuatu program pengajian bagi membolehkan pelajar yang mendapat pengecualian kursus memenuhi keperluan kredit untuk bergraduasi adalah dibenarkan dengan syarat-syarat berikut :
  - a. Kursus yang ditambah mestilah daripada kursus yang sama tahap dengan program yang ditawarkan.
  - b. Sekiranya program yang terlibat adalah program kerjasama, maka kursus yang ditambah boleh diambil sama ada daripada program-program yang ditawarkan rakan kerjasama tersebut atau daripada program-program kerjasama yang lain.

- c. Penambahan kursus kokurikulum juga dibenarkan.
  
- d. Sekiranya kursus tambahan ini diambil daripada program yang telah mendapat akreditasi sementara atau akreditasi penuh, maka kursus tersebut tidak perlu dinilai oleh MQA. Walau bagaimanapun, sekiranya PPT menawarkan kursus baharu, maka kursus tersebut perlu dinilai oleh MQA.

## BAHAGIAN 4 : PROSEDUR DAN PERANAN

### 9.0 PROSEDUR PERMOHONAN PINDAH KREDIT DAN PENGECCUALIAN KURSUS OLEH PELAJAR

- 9.1 Pelajar telah dimaklumkan oleh Politeknik/Kolej Komuniti mengenai proses permohonan dan syarat-syarat yang berkaitan dengan pindah kredit dan pengecualian kursus.
- 9.2 Permohonan hendaklah dibuat dalam tempoh TIGA (3) Minggu Pertama Pengajian selepas bermulanya sesi pengajian.
- 9.3 Pelajar seharusnya mengemukakan dokumen seperti berikut:
  - a. Borang Permohonan Pemindahan Kredit Dan Pengeccualian Kursus adalah seperti di **Lampiran 1**.
  - b. Slip keputusan peperiksaan terdahulu yang telah disahkan.
  - c. Salinan pengesahan akreditasi program terdahulu. Status akreditasi program terdahulu boleh disemak melalui portal rasmi *Malaysian Qualification Register (MQR)* di laman sesawang <https://www2.mqa.gov.my/mqr/>.
  - d. Maklumat kursus yang dimohon bagi tujuan pemetaan:  
Maklumat kursus tersebut mestilah kursus yang digunapakai pada tahun semasa pelajar bergraduat. Urusan mendapatkan maklumat kursus tersebut adalah **tanggungjawab pelajar**.

e. Bagi program di Politeknik dan Kolej Komuniti dokumen tersebut boleh dimohon melalui Unit Jaminan Kualiti Politeknik/Kolej Komuniti.

9.4 Pelajar perlu mengemukakan permohonan pindah kredit dan pengecualian kursus kepada pihak Politeknik/Kolej Komuniti melalui Pegawai yang dilantik oleh Jabatan.

9.5 Permohonan yang tidak lengkap akan ditolak oleh Politeknik/Kolej Komuniti.

## 10.0 PROSEDUR PENGURUSAN POLITEKNIK/KOLEJ KOMUNITI

- 10.1 Jawatankuasa Pemindahan Kredit dan Pengeccualian Kursus di peringkat Induk dan Jabatan Politeknik/Kolej Komuniti perlu ditubuhkan bagi meneliti dan membuat keputusan terhadap permohonan pemindahan kredit dan pengeccualian kursus yang dikemukakan oleh pelajar.
- 10.2 Keanggotaan **Jawatankuasa Induk Pemindahan Kredit dan Pengeccualian Kursus yang dilantik oleh Pengarah :**
- i. Timbalan Pengarah Akademik (Pengerusi)
  - ii. Pegawai Peperiksaan (Setiausaha)
  - iii. Ketua-ketua Jabatan Akademik/Ketua Program
  - iv. Ahli-ahli yang berkaitan
- 10.3 **Jawatankuasa Pemindahan Kredit dan Pengeccualian Kursus di peringkat Jabatan** dianggotai oleh :
- i. Ketua Jabatan/Ketua Program
  - ii. Pegawai Kualiti Jabatan
  - iii. Penasihat Akademik
  - iv. Ahli-ahli yang berkaitan
- 10.4 **Permohonan pindah kredit dan pengeccualian kursus** oleh pelajar hanya boleh dilakukan **sekali sahaja** sepanjang pengajian di Politeknik/Kolej Komuniti.
- 10.5 **Pemetaan 80% kesetaraan kandungan kursus** adalah tanggungjawab **Jawatankuasa Pemindahan Kredit dan Pengeccualian Kursus** di peringkat **Jabatan** Politeknik/Kolej Komuniti. Contoh borang dan tatacara pemetaan kandungan kursus boleh dirujuk dalam **Lampiran 2**.

- 10.6 Hanya keputusan pemetaan yang disokong oleh Jawatankuasa Pemindahan Kredit dan Pengeccualian Kursus di peringkat Jabatan Politeknik/Kolej Komuniti akan diangkat untuk **kelulusan Jawatankuasa Induk Pemindahan Kredit Dan Pengeccualian Kursus Politeknik/Kolej Komuniti**.
- 10.7 Keputusan kelulusan dari **Jawatankuasa Induk Pemindahan Kredit Dan Pengeccualian Kursus Politeknik/Kolej Komuniti** perlu diserahkan kepada jabatan/unit yang berkaitan di Politeknik/Kolej Komuniti dan Bahagian Peperiksaan dan Penilaian, JPPKK bagi tujuan penyelarasan.
- 10.8 Pelajar yang memohon pengeccualian kursus mesti membuktikan tahap pengetahuan mencapai sekurang-kurangnya 80% daripada keperluan kursus. Jawatankuasa berhak mengadakan ujian atau temuduga untuk menentukan sama ada pelajar layak diberikan pengeccualian kursus.
- 10.9 Keputusan permohonan pemindahan kredit dan pengeccualian kursus hendaklah dimaklumkan kepada pelajar selewat-lewatnya pada minggu keenam perkuliahan sesi pengajian.
- 10.10 Keputusan yang ditetapkan oleh **Jawatankuasa Induk Pemindahan Kredit Dan Pengeccualian Kursus Politeknik/Kolej Komuniti** adalah **muktamad**.
- 10.11 Carta Alir Permohonan Pemindahan Kredit Dan Pengeccualian Kursus boleh dirujuk dalam **Lampiran 3**.
- 10.12 Rumusan Panduan Pemindahan Kredit dan Pengeccualian Kursus (*Credit Transfer and Course Exemption, CTCE*) Politeknik dan Kolej Komuniti boleh di rujuk dalam **Lampiran 4**.



# LAMPIRAN





**LAMPIRAN 2 : BORANG PEMETAAN PEMINDAHAN KREDIT DAN PENGECUALIAN KURSUS**

**Bahagian 1 : Status Syarat Pemetaan dan Senarai Kursus Yang Dipohon Untuk Pemetaan**

		Institusi terdahulu			Institusi sekarang	
<b>1</b>	Nama Institusi					
<b>2</b>	Nama Program Pengajian					
<b>3</b>	Kod Program Pengajian					
<b>Akreditasi Program Pengajian</b>						
<b>4</b>	i) Status akreditasi					
	ii) Tarikh akreditasi					
	iii) Badan pengakreditasi					
<b>5</b>	<b>Senarai Kursus Yang Dipohon Untuk Pemetaan Dan Kredit</b> <small>(Mohon dilampirkan struktur program daripada kedua-dua institusi)</small>	<b>Nama Kursus</b>	<b>Nilai Kredit</b>	<b>Gred Kredit</b>	<b>Nama Kursus</b>	<b>Nilai Kredit</b>
	i)					
	ii)					
	iii)					
	iv)					
	v)					
	vi)					
	vii)					
	vii)					


## Bahagian 2 : Jadual Pemetaan

Nama dan Kredit	Institusi Terdahulu		Institusi Sekarang		Kesetaraan		Justifikasi
					Setara	Tidak Setara	
i)	xxxx	3 kredit	dddd	3 kredit			
ii)	yyyy	2 kredit					
iii)							
Jumlah kredit		5 kredit		3 kredit			
Jumlah Course Learning Outcome (CLO)	6		2				
Aras Pembelajaran dalam CLO (Taxonomy)	1	C3	C3				
	2	C2					
	3						
	4						
	5						
	6						

Pemetaan Kandungan Kurikulum							
	Topik & Sub Topik		Topik & Sub Topik		Peratus Kesetaraan	Justifikasi	
	Topik 1		Topik 1		25%		
	1.10	xxxx	yyy				
	1.20	xxxx					
	1.30	xxxx					
	1.40	xxxx					
	Jumlah		4	Jumlah 1			
	Topik 2		Topik 2		33%		
	2.10	bbb	bbb				
	2.20	bbb	bbb				
	2.30	bbb	ss				
	2.40						
	2.50						
	2.60						
	Jumlah		6	Jumlah 2			
					40%		
	Jumlah		5	Jumlah 2			
					100%		
	Jumlah		4	Jumlah 4			
					33%		
	Jumlah		6	Jumlah 2			
					56%		
	Jumlah		9	Jumlah 5			
<b>Jumlah Kesetaraan Kursus</b>					<b>47.87%</b>		

Maka dengan ini, adalah disyorkan kepada Jawatankuasa Pemindahan Kredit Dan Pengecualian Kursus supaya **MELULUSKAN / TIDAK MELULUSKAN** pindah kredit dan pengecualian kursus dari **CPB1022 : Bahan dan Teknologi Binaan (Kolej Komuniti)** ke **SPB1032 : Bahan dan Binaan Bangunan** bagi program pengajian **DPB: Diploma Kejuruteraan Perkhidmatan Bangunan**.

**LAMPIRAN 3 : CARTA ALIR PERMOHONAN PEMINDAHAN KREDIT DAN PENGECUALIAN KURSUS**



LAMPIRAN 4 : RUMUSAN PANDUAN PEMINDAHAN KREDIT DAN PENGECUALIAN KURSUS

Jadual : Dasar-dasar pemindahan kredit dan pengecualian kursus

DASAR-DASAR PEMINDAHAN KREDIT DAN PENGECUALIAN KURSUS	MQA	ETAC/TTAC
<b>Pemindahan Kredit boleh dilakukan dalam dua kategori seperti berikut : a. Menegak b. Mendatar</b>		
<p><b>a) Menegak (Vertical)</b></p> <p>Pemindahan kredit kepada peringkat yang lebih tinggi. Dasar-dasar yang sama adalah digunapakai oleh ketiga-tiga badan akreditasi.</p>	<b>Situasi yang berkaitan dengan pindah kredit secara menegak:</b>	
	<p><b>1. Pemindahan kredit daripada sijil ke diploma:</b> Dibenarkan dengan pindahan maksima 30% daripada jumlah kredit program yang diikuti.</p>	
	<p><b>2. Pemindahan kredit daripada diploma ke ijazah :</b> Dibenarkan dengan pindahan maksima 30% daripada jumlah kredit program yang diikuti.</p>	
	<p><b>3. Pemindahan kredit daripada diploma lanjutan ke Ijazah:</b> Pelajar yang berkelayakan diploma lanjutan (yang turut memiliki diploma) boleh dipertimbangkan pemindahan kredit sehingga maksimum dua tahun pengajian pengajian peringkat sarjana muda (pelajar akan mengikuti tahun ketiga program sarjana muda).</p>	
	<p><b>4. Pemindahan kredit daripada kelayakan yang lebih tinggi (contoh sarjana muda) ke program di peringkat yang lebih rendah (contoh diploma):</b> Pindah kredit tidak dibenarkan</p>	

**5. Pemindahan kredit bagi program yang telah ada kesinambungan dari peringkat rendah ke peringkat yang lebih tinggi**

Sekiranya Pemberi Pengajian Tinggi (PPT) telah berkolaborasi secara formal di dalam merancang kurikulum bagi kedua-dua program dengan memastikan terdapatnya kesinambungan ke peringkat yang lebih tinggi maka pemindahan kredit maksimum yang dibenarkan adalah 50% daripada jumlah kredit program yang diikuti.

(Rujukan Manual ETAC 2020, ms 17, TTAC, m/s 26)

DASAR-DASAR PEMINDAHAN KREDIT DAN PENGECUALIAN KURSUS	MQA	ETAC/TTAC
<b>Pemindahan Kredit boleh dilakukan dalam dua kategori seperti berikut : a. Menegak b. Mendatar</b>		
<p><b>a) Mendatar (<i>Horizontal</i>)</b></p> <p>Pemindahan kredit daripada program di tahap yang sama seperti daripada sijil ke sijil / diploma ke diploma/sarjana muda ke sarjana muda.</p> <p>Dasar-dasar berkaitan pemindahan kredit secara mendatar adalah berbeza bagi ketiga-tiga badan akreditasi tersebut.</p>	<p>i) Program pengajian di bawah seliaan MQA menetapkan dasar yang berbeza mengikut situasi tertentu dan bergantung kepada <i>residential year</i>.</p> <p><b>i) Residential year</b></p> <p>Membawa maksud tempoh bermastautin pelajar di mana MQA menetapkan tempoh seperti berikut:</p> <ol style="list-style-type: none"> <li>1) Ijazah Sarjana muda – 1 tahun</li> <li>2) Diploma dan Sijil – 1 semester</li> </ol> <p>Tempoh ini mengambil kira kelaziman <i>currency of knowledge</i> bagi sesuatu program adalah 5 tahun.</p> <p>ii) Situasi yang berkaitan dengan pemindahan secara mendatar adalah seperti berikut :</p>	<p>Program pengajian di bawah akreditasi ETAC <b>pemindahan kredit maksimum 50% daripada jumlah kredit program yang diikuti</b> dibenarkan bagi pemindahan kredit secara mendatar. Dasar ini tertakluk kepada semua jenis situasi pemindahan mendatar.</p> <p>TTAC juga telah menetapkan dasar mengikut situasi dan bergantung kepada <b>residential year</b> sebagai mana MQA, iaitu:</p> <ol style="list-style-type: none"> <li>1) Ijazah Sarjana muda – 1 tahun</li> <li>2) Diploma dan Sijil – 1 semester</li> </ol> <p>Tempoh ini mengambil kira kelaziman <i>currency of knowledge</i> bagi sesuatu program adalah 5 tahun.</p>

**a) Pelajar telah memiliki kelayakan dan ingin melanjutkan pelajaran kali kedua dalam peringkat yang sama dengan kelayakan yang dimiliki.**

- Pemindahan kredit dibenarkan
- Tiada had pindah kredit jika pelajar di PPT yang sama
- Bagi pelajar yang melanjutkan pengajian untuk kali ke dua di PPT yang berbeza pindah kredit adalah tertakluk kepada tempoh bermastautin pelajar (*residential year*)
- Kuatkuasa mulai 23 Mei 2016

**b) Pelajar sedang mengikuti program dan ingin menukar ke program lain dalam bidang yang sama dengan program yang sedang diikuti :**

- Pemindahan kredit dibenarkan. Sekiranya program tersebut diambil di PPT yang sama, tiada had pemindahan kredit dan ia tertakluk kepada syarat pindah kredit.
- Sekiranya program yang ingin diikuti di PPT adalah berbeza, pindah kredit adalah tertakluk kepada syarat tempoh bermastautin (*residential year*) pelajar

	<p><b>c) Pelajar gagal program dan ingin melanjutkan pengajian dalam program lain diperingkat yang sama :</b></p> <ul style="list-style-type: none"><li>• Pemindahan kredit (termasuk MPW / MPU) tidak dibenarkan</li></ul> <p><b>d) Pelajar berhenti belajar daripada pengajian dan kemudiannya ingin menyambung semula pengajian tetapi di dalam program lain di peringkat sama :</b></p> <ul style="list-style-type: none"><li>• Pemindahan kredit boleh dipertimbangkan</li><li>• Sekiranya program tersebut diambil di PPT yang sama, tiada had pindah kredit tertakluk kepada syarat tempoh bermastautin pelajar (<i>residential year</i>)</li><li>• Sekiranya program yang ingin diikuti di PPT yang berbeza, pemindahan kredit tertakluk kepada syarat tempoh bermastautin pelajar (<i>residential year</i>)</li></ul>	
--	--	--

	<p><b>e) Pelajar sedang mengikuti sesuatu program dan dalam masa yang sama mengambil beberapa kursus di PPT yang lain. (contoh; program mobiliti atau program pertukaran pelajar) :</b></p> <ul style="list-style-type: none"><li>• Pemindahan kredit adalah dibenarkan tertakluk kepada tempoh bermastautin pelajar (<i>residential year</i>) di PPT yang menganugerahkan kelayakan.</li><li>• Kuatkuasa mulai 19 September 2016</li></ul> <p>f) Kursus dalam kelompok U1 Matapelajaran Pengajian Umum (MPU) dibenarkan untuk dipindah kredit secara mendatar secara berkelompok. Pelaksanaan dasar pindah kredit adalah berkuatkuasa bagi semua pelajar yang masih dalam sesi pengajian. (Rujukan : Mesyuarat Kajian Semula Dasar – Dasar Berkaitan Jaminan Kualiti (MKSDJK) KPM-MQA Bil 3/2019 bertarikh 10 Disember 2019)</p>	
--	---	--

**Pemindahan kredit juga boleh dilakukan dengan gred atau tanpa gred. Dasar ini adalah tertakluk kepada polisi sedia ada bagi ketiga-tiga badan akreditasi**

**1) Pindah kredit dengan gred**

Pindah Kredit secara mendatar (*horizontal*) bagi pelajar yang berada dalam sistem (pelajar yang masih dalam pengajian). Kredit dikira dalam kredit bergraduasi pelajar dan gred kursus diambil kira dalam pengiraan Purata Nilai Mata (PNM) dan Purata Nilai Mata Kumulatif (HPNM).

**Situasi yang berkaitan dengan pindah kredit dengan gred :**

- a) Pelajar yang sedang mengikuti Diploma A bertukar ke Diploma B pada semester kedua (di politeknik yang sama atau bertukar politeknik). Maka proses pindah kredit pelajar tersebut akan mengambilkira gred kursus dari Diploma A dalam pengiraan (PNM) dan (HPNM) untuk Diploma B.
- b) Pelajar yang bertukar Politeknik / Kolej Komuniti dengan mengikuti program yang sama. Maka proses pindah kredit pelajar tersebut akan mengambilkira gred kursus dalam pengiraan (PNM) dan (HPNM).
- c) Pelajar sedang mengikuti suatu program dan dalam masa yang sama mengambil beberapa kursus di PPT yang lain (program pertukaran pelajar).
- d) Pelajar dari PPT lain menyambung pengajian ke Politeknik / Kolej Komuniti pada peringkat dan program yang sama.
- e) Pelajar dari PPT lain menyambung pengajian ke Politeknik / Kolej Komuniti pada peringkat yang sama tetapi program yang berlainan.
- f) Pindahan kredit boleh dipertimbangkan bagi pelajar Politeknik / Kolej Komuniti yang berhenti dari pengajian bukan atas sebab kegagalan akademik dan kemudiannya menyambung semula pengajian dalam program yang sama atau program yang lain di peringkat yang sama. Tiada had pindah kredit dibenarkan.

## 2) Pindah kredit tanpa gred

Pindah kredit secara menegak (*vertical*) atau mendatar (*horizontal*) bagi pelajar yang telah keluar dari sistem (pelajar yang telah tamat pengajian) atau telah mencapai tahap kompetensi dalam kursus berkenaan. Kredit kursus yang dipindahkan diambilkira dalam kredit bergraduasi tetapi gred kursus yang dipindahkan tidak diambilkira dalam pengiraan PNG dan PNGK pelajar.

Contoh-contoh situasi yang berkaitan dengan pindah kredit tanpa gred :

- a) Pelajar lepasan Diploma Lanjutan Politeknik atau PPT lain yang menyambung pengajian ke peringkat Ijazah Sarjana Muda Politeknik. Pindahan kredit dibenarkan sehingga maksimum dua tahun pengajian program yang akan diikuti.
- b) Pelajar lepasan Diploma Politeknik atau PPT lain yang menyambung pengajian ke peringkat Ijazah Sarjana Muda Politeknik. Had maksimum kredit yang dipindahkan adalah 30% daripada jumlah kredit program yang akan diikuti.
- c) Pelajar lepasan Sijil yang menyambung pengajian ke peringkat Diploma dan membuat pindah kredit bagi kursus-kursus bersesuaian. Maka kredit bagi kursus yang pernah diikuti di peringkat Sijil akan diambil kira dalam pengiraan kredit bergraduasi pelajar. Namun, gred kursus tidak akan diambil kira dalam pengiraan PNM dan HPNM pelajar daripada kelayakan Sijil ke Diploma. Had maksimum kredit yang dipindahkan adalah 30% daripada jumlah kredit program yang akan diikuti.
- d) Pelajar yang telah tamat program Diploma A dan kemudian ingin mengikuti program Diploma B. Bagi situasi ini, yang mana pelajar telah memiliki kelayakan di peringkat yang sama, maka pindah kredit tidak akan mengambilkira gred kursus dalam pengiraan PNM dan HPNM pelajar untuk Diploma B.
- e) Pemindahan kredit yang berdasarkan pengalaman melalui APEL, kredit tidak melibatkan gred. Oleh yang demikian, hanya kredit yang akan diambil kira.

DASAR-DASAR PEMINDAHAN KREDIT DAN PENGECUALIAN KURSUS	MQA	ETAC/TTAC
<b>Syarat-syarat umum pindah gred dan tanpa gred</b>		
<p>Bagi tujuan pindah kredit dengan gred dan tanpa gred, ketiga-tiga badan akreditasi menetapkan syarat yang sama. Terdapat juga beberapa kes yang menyebabkan pindah kredit tidak dibenarkan.</p>	Gred lulus minimum kursus terlibat yang boleh dipindah kredit adalah gred C	
	Nilai kredit : sama atau lebih dengan nilai kursus bagi program di PPT penerima	
	Kesetaraan antara kandungan kursus mestilah tidak kurang daripada 80%	
	Kursus yang dimohon untuk dipindahkan kredit mestilah daripada program pengajian yang telah mendapat Perakuan Akreditasi daripada MQA	
	<p><b>Pemindahan kredit tidak dibenarkan bagi kes-kes berikut :</b></p> <ul style="list-style-type: none"> <li>i) Pelajar yang diberhentikan dari pengajian di atas sebab kegagalan akademik dan kemudiannya menyambung semula pengajian di dalam program yang lain.</li> <li>ii) Daripada kelayakan yang lebih tinggi ke program di peringkat yang lebih rendah.</li> <li>iii) Latihan industri tidak dibenarkan untuk dipindah kredit.</li> <li>iv) Pengecualian kursus tidak dibenarkan bagi kursus Mata Pelajaran Umum (MPU). Kursus MPU hanya dibenarkan pindah kredit secara horizontal sahaja.</li> <li>v) Penambahan kursus bagi menggantikan kursus yang dikecualikan; <ul style="list-style-type: none"> <li>a) Kursus yang ditambah perlulah kursus yang sama tahap. Sekiranya kursus tambahan ini diambil dari program yang telah mendapat Akreditasi Sementara atau Akreditasi Penuh, maka kursus tersebut tidak perlu dinilai oleh MQA.</li> <li>b) Sekiranya kursus baru, maka perlu dinilai</li> </ul> </li> </ul>	

<b>DASAR-DASAR PEMINDAHAN KREDIT DAN PENGECUALIAN KURSUS KURSUS</b>	<b>MQA / ETAC / TTAC</b>
<b>Dasar pengecualian kursus MQA menjadi panduan bagi ketiga-tiga badan akreditasi.</b>	
<p><b>Pengecualian kursus</b></p> <p>Dasar pengecualian kursus politeknik telah disemak semula memandangkan terdapat pemansuhan dalam dasar pengecualian kursus berkaitan kursus MPU. Pemansuhan tersebut adalah disebabkan kursus Mata Pelajaran Wajib (MPW) telah ditambah baik dengan penawaran MPU mulai September 2013 dan pindah kredit MPU hanya dibenarkan secara mendatar sahaja.</p>	<p><b>Dasar-dasar pengecualian kursus yang dikekalkan di Politeknik dan Kolej Komuniti :</b></p> <ul style="list-style-type: none"> <li>i) Pengecualian kursus perlu dilakukan berdasarkan kepada kesetaraan kandungan kursus yang dipohon dengan pembuktian pengetahuan dan kemahiran pelajar.</li> <li>ii) Pengecualian kursus tidak menyebabkan pelajar mendapat kredit bagi kursus yang dikecualikan.</li> <li>iii) Pelajar perlu mengambil kursus lain bagi menggantikan kursus berkenaan sekiranya pengecualian tersebut menyebabkan keperluan jumlah kredit bergraduasi tidak mencukupi.</li> <li>iv) Kursus yang ditambah perlulah kursus yang sama tahap. Sekiranya kursus tambahan ini diambil dari program yang</li> </ul>
<b>Dasar-dasar pengecualian kursus yang dimansuhkan berkaitan MPW adalah seperti berikut:</b>	
	<ul style="list-style-type: none"> <li>i) Pelajar yang lulus MPW di peringkat sijil tidak boleh mengambil semula kursus tersebut di peringkat diploma.</li> <li>ii) Walau bagaimanapun, bagi pelajar yang telah lulus MPW di peringkat sijil/diploma boleh mengambil MPW di peringkat ijazah sarjana muda.</li> <li>iii) Pelajar antarabangsa dikecualikan untuk mengambil MPW, namun diberi pilihan untuk mengambil MPW sekiranya berminat.</li> </ul>

